

Broj: 18/01-44- 008131-5/17
Tuzla, 05.04.2016. godine

ZAKLJUČCI-PREPORUKE

sa okruglog stola „Mine, Minska polja i NUS-jučer, danas, sutra

U organizaciji Kantonalne uprave civilne zaštite, u okviru obilježavanja 4.aprila/travnja-Međunarodnog dana borbe protiv mina, dana 05.04.2017.godine održan je okrugli stol „Mine, minska polja i NUS – jučer, danas, sutra“. U radu okruglog stola su učestvovali predstavnici RU BH MAC-a, OS BiH, Federalne uprave civilne zaštite, Norveške narodne pomoći, NVO Posavina bez mina“ i Kantonalne uprave civilne zaštite.

Rasprava na okruglom stolu je potvrdila spremnost svih učesnika da aktivno doprinose umanjenju i uklanjanju opasnosti od mina i NUS-a u okviru svojih zakonom utvrđenih nadležnosti kao i potrebu aktivnijeg učešća zakonodavne i izvršne vlasti kao i građana.

Doneseni su odgovarajući Zaključci-preporuke

1) Na području Tuzlanskog kantona u poslijeratnom periodu je od mina oslobođeno 16.257.125,43 m² tako da se još uvijek kao sumnjiva površina vodi oko 85.000.000 m² ili 3,2 % u odnosu na ukupnu površinu Tuzlanskog kantona.

Poslije rata na području Tuzlanskog kantona dogodilo se preko 200 minskih nesreća u kojima je smrtno stradalo 120, a teže i lakše je povrijeđeno 135 osoba.

U poslijeratnom periodu na području Tuzlanskog kantona je pronađeno i uništeno oko 400.000 komada neeksplozivnih ubojitih sredstava i oko 1.100 kilograma eksploziva.

2) Kantonalna uprava civilne zaštite Tuzlanskog kantona će učiniti dodatne aktivnosti i u suradnji sa RU MAC-a dovršiti izradu projektne dokumentacije za preostalu sumnjivu površinu na području Tuzlanskog kantona.

3) Centar za uklanjanje mina u Bosni i Hercegovini (BH MAC) će u skladu sa potrebama lokalnih zajednica provoditi svoje obaveze u oblasti deminiranja i dodatnim aktivnostima kroz sistematsko izviđanje i kroz uvođenje novih metoda ubrzanog deminiranja kao što je to ciljano Tehničko izviđanje ubrzati uklanjanje opasnosti od mina.

4) Kantonalna uprava i službe civilne zaštite Tuzlanskog kantona će na osnovu planova deminiranja učiniti dodatne aktivnosti na osiguranju potrebnih finansijskih sredstava u budžetu lokalne zajednice i iz donatorskih izvora.

5) Da bi se ubrzao proces deminiranja potrebno je sagledati mogućnost osnivanja Fondacije za deminiranje na razini države, entiteta i kantona i pokrenuti akciju prikupljanja donacija od fizičkih i pravnih lica za deminiranje.

6) Od početka humanitarnog deminiranja OS BiH su na području Tuzlanskog kantona deminirale površinu od 5.092.880,85 m² i nastavit će sa svojim deminerskim timovima aktivnosti na deminiranju Tuzlanskog kantona.

7) Od osnivanja sektora za deminiranje u Federalnoj upravi civilne zaštite, na području Tuzlanskog kantona je deminirano oko 1.322.425,86 m² i bit će nastavljene aktivnosti deminerskih timova na deminiranju Tuzlanskog kantona.

8) Deminerski timovi za prikupljanje i uništavanje neeksplozivnih ubojitih sredstava Federalne uprave civilne zaštite su u poslijeratnom periodu na području Tuzlanskog kantona sakupili i uništili oko 400.000 komada neeksplozivnih ubojitih sredstava i oko 1.100 kilograma raznih vrsta eksploziva i nastavit će svoje aktivnosti na području Tuzlanskog kantona u skladu sa potrebama.

9) Na terenu je prisutna pojava otuđivanja znakova upozorenja na opasnosti od mina što dovodi u opasnost druge građane . Upozoravaju se oni koji to čine da je „ Uklanjanje oznaka upozorenja isto kao i postavljanje novih mina“.

10) Upozoravaju se građani da ne ulaze u označene sumnjive površine i sva otkrivena neeksplozivna sredstva odmah prijave službama civilne zaštite kako bi se ista uklonila na siguran način.

11) Također, skrećemo pažnju stanovništvu da su i površina na kojima je završen proces deminiranja označene markerom na kojem je upisan ID broj, a u najvećem broju slučajeva i sa polutrajnom ili rijetko trajnom ogradom. Održavanje ovih oznaka je posebno bitno u šumskim područjima gdje se svake godine talože nove količine biljnog materijala, kao i u zonama klizanja i erozije terena što dodatno povećava opasnost.

DIREKTOR

Mr. Zdenko Tadić